

Adroddiad i'r:	Cabinet
Dyddiad y Cyfarfod:	15 Tachwedd 2016
Aelod / Swyddog Arweiniol:	Cynghorydd Bobby Feeley, Aelod Arweiniol Gofal Cymdeithasol a Gwasanaethau Plant/ Katie Newe, Rheolwr Tîm Cefnogi Pobl
Awdur yr Adroddiad:	Liana Duffy, Swyddog Comisiynu a Thendro
Teitl:	Amrywiad Contract Y Dyfodol (Estyniad)

1. Am beth mae'r adroddiad yn sôn?

Ymestyn contract prosiect Y Dyfodol a ariennir gan Cefnogi Pobl Sir Ddinbych gyda Chymdeithas Tai Clwyd Alyn.

2. Beth yw'r rheswm dros lunio'r adroddiad hwn?

Yn unol â Rheolau'r Weithdrefn Contractau, o ystyried lefel y goblygiadau gwariant y byddai'r estyniad hwn yn ei greu (gwerth contract diwygiedig £2,627,698.10), mae angen cymeradwyaeth y Cabinet i ymestyn y contract hwn.

3. Beth yw'r Argymhellion?

Cymeradwyo ymestyn contract Y Dyfodol Clwyd Alyn hyd at 30 Medi 2018.

Cymeradwyo'r cynnig i ymchwilio ymhellach, yr opsiwn o ddatblygu cytundeb partneriaeth gyda Clwyd Alyn ar gyfer darparu'r gwasanaeth ar ôl Medi 2018.

4. Manylion am yr adroddiad

4.1. Byddai'r amrywiad contract hwn yn ymestyn contract 4 blynedd, 8 mis (yn dilyn tri estyniad blaenorol *) gan 18 mis pellach (yn dod i ben ar 30 Medi 2018).

* Tymor y contract cychwynnol oedd 01.08.2012 – 31.07.2015 (3 blynedd); Atodiad a gyhoeddwyd yn ymestyn i 29.02.2016 (3 blynedd, 7 mis); Atodiad a gyhoeddwyd yn ymestyn i 31.03.2016 (3 blynedd, 8 mis); Atodiad a gyhoeddwyd yn ymestyn i 31.03.2017 (4 blynedd 8 mis)

4.2. Mae'r ddarpariaeth ar gyfer bobl ifanc (16-24) a ariennir gan Cefnogi Pobl yn Sir Ddinbych yn darparu 65 uned o ofodau tai â chymorth a 26 uned o gefnogaeth symudol, ar gost o £771,657 y flwyddyn - 46% (£358,207) o'r ddarpariaeth hon yn cael ei chyflwyno o dan brosiect Y Dyfodol Clwyd Alun, sy'n darparu 33 uned tai â chymorth. Mae'r contract presennol yn dod i ben ar 31 Mawrth 2017.

4.3. Cafodd Adolygiad Gwasanaeth o brosiect Y Dyfodol ei gwblhau ar 11 Awst 2015 a oedd yn gwneud argymhelliad i ailfodelu; manylion a adroddwyd i Grŵp Cynllunio Cefnogi Pobl ym mis Medi a Thachwedd 2015 (yn ychwanegol o ganlyniad i'r adolygiad hwn, nodwyd arbedion uniongyrchol o £103,435 yn erbyn gwerth y contract blynyddol). Cynhaliwyd cyfarfod cychwynnol ym mis Hydref 2015, lle cytunwyd ar fodel amlinellol rhwng Cefnogi Pobl, Gwasanaethau Plant, a Datrysiadau Tai.

4.4. Yn y cyfamser, comisiynodd Llywodraeth Cymru yr ymgynghorydd Anna Whalen i edrych ar ffyrdd o wella opsiynau tai a chymorth i bobl ifanc. Ymwelodd Anna â CSDd ym mis Ebrill eleni, a nododd yr angen i Cefnogi Pobl gael ei alinio'n fwy strategol â chomisiynu Gwasanaethau Cymdeithasol Plant'. Teimlai Anna y gallai'r sefyllfa wella yn weddol gyflym, ond roedd angen gweithgarwch cydunol, a arweinir gan uwch swyddogion sydd â chyfrifoldeb am y Gwasanaeth Datrysiadau Tai, comisiynu Cefnogi Pobl a Gwasanaethau Cymdeithasol Plant.

4.5. Cyflwynodd Cefnogi Pobl gynnig i ddatblygu llwybr aml-asiantaeth Pobl Ifanc (Grŵp Cynllunio Cefnogi Pobl 23.05.16), ac ar 17 Mehefin 2016, cynhaliwyd cyfarfod gyda Gwasanaethau Plant, Datrysiadau Tai, a chynrychiolwyr Iechyd, Diogelwch Cymunedol, CAMHS ac Addysg i amlinellu'r cynnig i ailfodelu Y Dyfodol, fel rhan o'r gwaith o ddatblygu ymagwedd Llwybr Pobl Ifanc ehangach. Ers hynny mae cynllun gweithredu wedi ei lunio, a chyfarfodydd amlasiantaeth rheolaidd wedi'u trefnu. Mae'r cynlluniau hyn hefyd wedi cael eu gosod allan fel blaenoriaeth ar gyfer datblygu gwasanaethau yng Nghynllun Comisiynu Lleol Cefnogi Pobl 2017-18 (ar ffurf drafft ar hyn o bryd).

4.6. Yn dilyn yr Adolygiad o'r Gwasanaeth yn 2015 y soniwyd amdano uchod, cafodd contract Y Dyfodol ei ymestyn 13 mis er mwyn rhoi amser i ailfodelu; mae tymor y contract yn dod i ben ar 31 Mawrth 2017, felly byddai angen i unrhyw broses dendro fod wedi dechrau yn realistig erbyn mis Medi 2016. Fodd bynnag, nid yw'n ymarferol i'r dull Llwybr PI gael ei weithredu'n llawn o fewn yr amserlen hon. Yn ogystal, mae Cefnogi Pobl wedi sicrhau cyllid i gomisiynu gwaith ymgynghori gyda phobl ifanc (i'w gynnal gan Cerdd Gymunedol a Ffilm TAPE), a fydd yn allweddol yn natblygiad y cynigion ailfodelu, a Llwybr ehangach – byddai datblygu'r estyniad arfaethedig yn caniatáu mwy o amser digonol i ymgynghori â phobl ifanc. Mae'r llinell amser cyffredinol (crynodeb yn Atodiad 1) a dull gweithredu wedi ei gytuno gan y grŵp aml-asiantaeth.

4.7. Mae'r grŵp amlasiantaeth wedi cytuno ar amlinelliad bras o sut y dylai'r gwasanaeth newydd edrych. Mae Cefnogi Pobl hefyd wedi cynnal trafodaethau cychwynnol gyda Clwyd Alyn. Mae'r cynigion ailfodelu yn cynnwys darpariaeth i ariannu swydd Cydlynnydd o fewn Y Dyfodol, byddant yn rheoli'r datblygiad a symud i'r gwasanaeth newydd ac yna bydd yr oriau hyn yn cael eu dyrannu i gyflwyno'r gwasanaeth, unwaith y bydd yn cael ei weithredu. Bydd y swydd hon yn cael ei hariannu o fis Ebrill 2017, ac yn cynyddu gwerth y contract blynyddol o £35,000, byddai hyn yn dal i weld arbediad blynyddol o £68,435 yn erbyn y contract gwreiddiol.

4.8. Cafodd y penderfyniad i ymestyn contract Y Dyfodol presennol i ganiatáu ar gyfer datblygu Llwybr PI ei gyflwyno i'r Grŵp Cynllunio Cefnogi Pobl ar 5 Gorffennaf 2016 - lle cytunwyd i geisio cymeradwyaeth y Cabinet i ymestyn y contract. Er mwyn sicrhau bod y momentwm yn cael ei gynnal a chynnydd yn cael ei fonitro'n gadarn, cytunwyd hefyd y byddai'r cynllun prosiect llwybr pobl ifanc yn cael ei ychwanegu at offeryn rheoli prosiect y Cyngor, Verto. Bydd cynnydd y gwaith hwn yn cael ei adrodd i uwch reolwyr drwy Verto, a hefyd drwy ddiweddariadau rheolaidd i Grŵp Cynllunio Cefnogi Pobl.

4.9. Bwriad Cefnogi Pobl yw ein bod yn ymchwilio i'r opsiwn o gytundeb partneriaeth gyda Clwyd Alyn i ddarparu'r gwasanaeth wedi'i ailfodelu, ar ddiwedd contract Y Dyfodol presennol (ar ôl 2018), yn lle cynnal proses dendro cystadleuol neu geisio eithriad rhag tendr.

4.10. Gan fod hwn yn ddull newydd ac yn datblygu i ddarparu gwasanaethau integredig amlapiol ar gyfer pobl ifanc, teimlir y byddai cytundeb partneriaeth yn caniatáu ar gyfer mwy o hyblygrwydd a pherthynas wahanol gyda'r darparwr nag sy'n cael ei gyflwyno o fewn cytundeb contractio traddodiadol. Mae'r dull hwn wedi profi'n llwyddiannus iawn yn natblygiad y gwasanaeth Tŷ Golau a ariennir gan Cefnogi Pobl.

5. **Sut mae'r penderfyniad yn cyfrannu at y Blaenoriaethau Corfforaethol?**

Bydd y prosiectau a chamau gweithredu arfaethedig o fewn y Cynllun Comisiynu Lleol yn cyfrannu at gefnogi Cynllun Corfforaethol Sir Ddinbych 2012-17 yn y meysydd canlynol:

- Datblygu'r economi leol
- Mae pobl sydd angen cefnogaeth yn cael eu diogelu ac yn gallu byw mor annibynnol â phosibl
- Sicrhau mynediad at dai o ansawdd da
- Moderneiddio'r Cyngor i ddarparu arbedion effeithlonrwydd a gwella gwasanaethau i'n cwsmeriaid

6. **Faint fydd hyn yn ei gostio a sut fydd yn effeithio ar wasanaethau eraill?**

6.1. Byddai ymestyn y contract am 18 mis yn ychwanegu £589,809.89 i werth cyffredinol y contract (yn cynnwys £35,000 ar gyfer y swydd Cydlynnydd). Bydd gwerth y contract diwygiedig yn gyffredinol, felly, yn gyfanswm o £2,627,698.10.

6.2. Mae'r gost flynyddol o £393,206.60 eisoes wedi'i gyllido yn y Grant Cefnogi Pobl Sir Ddinbych 2017-18 ymlaen.

7. **Beth yw prif gasgliadau'r Asesiad o Effaith ar Les?**

7.1. Mae datblygiad y llwybr person ifanc (gan gynnwys ailfodelu Y Dyfodol) yn flaenoriaeth allweddol yng Nghynllun Comisiynu Lleol Cefnogi Pobl Sir Ddinbych 2017-18; felly, mae manylion yma yn ymwneud â'r cynllun cyffredinol.

7.2. Cafodd Asesiad o Effaith ar Les ei gwblhau ar 5 Hydref 2016 (hwn oedd yr un cyntaf a wnaed ar gyfer y CCLI). Roedd hyn yn nodi bod y Cynllun wedi cael effaith gadarnhaol ar bump o'r saith gôl lles; y ddau sy'n weddill yn niwtral. O ran cynaliadwyedd, roedd y Cynllun yn sgorio 15/24 - gall hyn yn rhannol gael ei ddylanwadu gan yr ansicrwydd ynghylch cyllid Grant CP; fodd bynnag, bydd y WIA yn cael ei ailystyried yn dilyn unrhyw newidiadau a wneir gan aelodau'r Bartneriaeth Archwilio / Grŵp Cynllunio Cefnogi Pobl / adborth y Cabinet.

7.3. Mae adolygiadau gwasanaeth/rheoli contractau drwy gydol y flwyddyn yn sicrhau y gall unrhyw effeithiau negyddol gael eu nodi a rhoi sylw iddynt.

7.4. Mae Asesiad o Effaith ar Gydraddoldeb hefyd wedi cael ei gwblhau eisoes ar gyfer y CCLI ym mis Gorffennaf 2016. Cadarnhaodd hyn fod gwasanaethau Cefnogi Pobl yn cael eu defnyddio gan yr holl grŵp nodweddion gwarchoddedig; bod pob ymdrech resymol wedi'i wneud i ddileu neu leihau unrhyw effaith negyddol anghymesur posibl ar y rhai sydd â nodweddion gwarchoddedig, ac y bydd Cefnogi

Pobl yn parhau i fonitro effaith unrhyw newidiadau a wnaed. Nid oedd yr Asesiad o Effaith ar Gydraddoldeb yn nodi unrhyw effaith andwyol yn sgil y Cynllun ar unrhyw nodweddion gwarchoddedig.

8. **Pa ymgynghoriadau a gynhaliwyd gyda'r Pwyllgorau Archwilio ac eraill?**

8.1. Yn ystod y gwaith o ddatblygu llwybr y bobl ifanc (a'r CCLI ehangach, lle mae'r datblygiad hwn yn cael ei gasglu), mae'r Grŵp Cynllunio Cefnogi Pobl wedi cael eu diweddarau ac wedi cymryd rhan mewn cynlluniau. Mae cyfarfodydd amlasiantaeth rheolaidd hefyd wedi eu cynnal i ddatblygu cynlluniau gweithredu, cynigion ac ati gyda strwythur yn cynnwys grŵp llwybr trosfwaol pobl ifanc, ac is-grŵp ailfodelu Y Dyfodol. Yn ogystal, fel y crybwyllwyd, mae Cefnogi Pobl wedi sicrhau cyllid i gomisiynu Cerddoriaeth a Ffilm Cymunedol TAPE i ymgynghori â phobl ifanc ar ddatblygu ac ailfodelu'r cynlluniau hyn.

8.2. Mae adborth wedi'i gyflwyno ar ailfodelu Y Dyfodol a datblygiad cyffredinol y llwybr fel rhan o'r ymgynghoriad CCLI - y gynhaliwyd proses ymgynghori wyth wythnos arno o ddechrau mis Awst i ddiwedd Medi; pryd cafodd y CCLI drafft ei gyhoeddi ar dudalen Ymgynghoriadau ar wefan Cyngor Sir Ddinbych, a'i ddsbarthu i ddarparwyr gwasanaeth a nifer o fudd-ddeiliaid sy'n gweithredu yn Sir Ddinbych ac yn ehangach ar draws Gogledd Cymru. Cafodd Diwrnod Gwybodaeth Cefnogi Pobl hefyd ei gynnal yn Neuadd y Dref, Y Rhyl ar 12 Medi, lle cafodd crynodeb o'r CCLI ei gyflwyno i staff y darparwr, defnyddwyr gwasanaethau a budd-ddeiliaid eraill, ac ymarfer gweithdy penodol ei gynnal ar ddatblygu'r llwybr pobl ifanc. Mae nifer o gyfarfodydd â budd-ddeiliaid hefyd wedi eu mynychu fel rhan o'r broses hon, gan gynnwys y Bartneriaeth Plant, Pobl Ifanc a Theuluoedd.

9. **Datganiad y Prif Swyddog Cyllid.**

Mae'r estyniad a geisir yn cael ei gyfiawnhau yn yr achos hwn. Mae cost y contract yn ymrwymiad sy'n bodoli eisoes.

10. **Pa risgiau sydd ac a oes unrhyw beth y gallwn wneud i'w lleihau?**

10.1. Os na fydd yr estyniad yn cael ei ganiatáu, ni fydd digon o amser i gytuno a gweithredu prosiect wedi'i ailfodelu gyda'r holl fudd-ddeiliaid - felly, byddai'r prosiect yn cael ei roi allan i dendr yn ei ffurf bresennol. Byddai hyn yn amharu'n sylweddol ar gymorth, ac mae'n cyflwyno lefel uwch o risg oherwydd nifer o bobl ifanc 16-17 oed sy'n cael mynediad i'r prosiect, ochr yn ochr â phobl ifanc hyd at 25 oed.

10.2. Ar hyn o bryd nid ydym yn gallu gwerthuso'r risg i ddarpariaeth y llety presennol pe bai'r prosiect yn mynd allan i dendr cystadleuol ar ei ffurf bresennol; fodd bynnag, pe bai unrhyw risg i ddarpariaeth llety, byddai'n hynod heriol i sicrhau hyd at 33 o unedau o lety erbyn Mawrth 2017 ac ni fyddem yn gallu asesu addasrwydd unrhyw lety yn unol â Phrotocol Tai Gyda Chefnogaeth Sir Ddinbych.

10.3. Mae yna hefyd risg na fydd y darparwr presennol yn dymuno darparu'r gwasanaeth hwn ar ôl 2018. Bydd angen gwneud penderfyniad ar gomisiynu erbyn Ionawr 2017, er mwyn rhoi digon o amser i wneud trefniadau eraill.

11. **Pŵer i wneud y Penderfyniad**

Mae penderfynu ar gynnwys unrhyw gynllun, strategaeth neu ddogfen bolisi arall yn gofyn am gymeradwyaeth Aelod Arweiniol y Cabinet yn unol ag Offeryn Statudol 2001 Rhif 2291 (W,179) Rheoliad 4 (3) (c) + (d)